



Broj: 10/E-11-3785/22
Sarajevo, ~~15-07-2022~~ godine

Na osnovu člana 69. stav (2) tačka d), člana 70. stav (4) ("Službeni glasnik BiH", broj 39/14) u daljem tekstu: Zakon, člana 69. Statuta Općine Centar Sarajevo – prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova I, imenovana rješenjem broj: 10-45-1838/22 od 22.02.2022. godine i izmjenom rješenja broj: 10-45-1838/22-1 od 24.03.2022. godine, u daljem tekstu: Komisija I, u postupku javne nabavke za izvođenje radova na izgradnji tipiziranih objekata jednostavnih usluga, (Zapisnik o pregledu i ocjeni ponuda broj: 10/E-11-3785/22 od 30.06.2022. godine), Opštinski načelnik d o n o s i:

O D L U K U

- I. **Poništava se** postupak javne nabavke kombi vozila za potrebe Službe za spašavanje sa visina, u prirodi, na vodi i pod vodom, putem otvorenog postupka, iz razloga što nije dostavljena nijedna prihvatljiva ponuda.
- II. Ova odluka dostavlja se ponuđaču koji je dostavio ponudu, odnosno učestvovao u postupku javne nabavke, u roku od 7 (sedam) dana, shodno članu 71. Zakona.
- III. Ova Odluka objavit će se na web stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Otvoreni postupak javne nabavke kombi vozila za potrebe Službe za spašavanje sa visina, u prirodi, na vodi i pod vodom, pokrenut je odlukom Općinskog načelnika broj: 10/E-11-3785/22 od 08.06.2022. godine.

Obavještenje o nabavci broj: 848-1-1-112-3-56/22 objavljeno je na Portalu e-Nabavke dana 08.06.2021. godine, a Sažetak Obavještenja o nabavci: 848-1-1-112-3-56/22 objavljen je u "Službenom glasniku BiH" Oglasnik javne nabavke/nabave, broj 39/22.

Procijenjena vrijednost javne nabavke iznosi 80.000,00 KM bez PDV-a.

Do predviđenog roka za dostavu ponuda 24.06.2022. godine do 13:00 časova, na adresu Ugovornog organa Općina Centar Sarajevo za predmetnu nabavku pristigla je 1 (jedna) ponuda ponuđača „Porsche Inter Auto BH“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija I je u zakazano vrijeme pristupila javnom otvaranju jedine pristigle ponude i nakon što je utvrđena urednost dostave, pročitana je cijena ponude kako slijedi:

r/b	Ponuđač	POTKRITERIJ 1 Ukupna cijena ponude u KM bez PDV-s	POTKRITERIJ 1 Ukupna cijena ponude u KM sa PDV-om	Popust %/KM	POTKRITERIJ 2 Rok isporuke (dana)
1.	„Porsche Inter Auto BH“ d.o.o. Sarajevo	83.003,00	93.600,00	3.003,00	90 dana

Na zatvorenom sastanku održanom dana 29.06.2022. godine, Komisija I je izvršila pregled dostavljene ponude u smislu provjere njene potpunosti i ispravnosti u skladu sa zahtjevima iz tenderske dokumentacije.

Izvršena je evaluacija ponude u skladu sa pravilima propisanim Zakonom o javnim nabavkama i podzakonskim aktima, kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom konstatovano je da dostavljena ponuda nije sačinjena potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije i ponuda i Zakonom.

Detaljnijom analizom ponude „Porsche Inter Auto BH“ d.o.o. Sarajevo Komisija I je na sjednici od 29.06.2022. godine, održanoj povodom pregleda i ocjene dostavljene ponude, utvrdila da navedeni ponuđač nije ispunio uslove tehničke i profesionalne sposobnosti, i to iz tačke 7.3.1. tenderske dokumentacije odnosno nije dostavio dokaze definisane tačkom 7.3.2. tenderske dokumentacije, i to:

Tačka 7.3.2. pod b) Izjava da posjeduje vlastiti/e servis/e ili ugovoreni/e ovlašteni/e servise ili ovlaštenje ili autorizaciju sa ovlaštenim serviserom, ukoliko ponuđač nema vlastiti servis. Ukoliko ponuđač nema vlastiti servis, dužan je u izjavi navesti čime dokazuje da je serviser ovlašten za servisiranje ponuđenog vozila u BiH, uz navođenje važećeg dokumenta koji je izdat od strane proizvođača ili generalnog zastupnika ponuđenog vozila, te se neće priznati izjava sa navođenjem dokumenta za ovlašteni servis kojeg je ponuđač izdao sam sebi. **Izjava mora biti ovjerena i potpisana od strane ovlaštenog lica ponuđača.**

Komisija I je konstatovala da ponuđač u ponudi nije dostavio traženu izjavu.

Tačka 7.3.2. pod c) Izjava na obrascu ponuđača da će, ukoliko bude izabran kao najpovoljniji ponuđač, obezbijediti ugradnju originalnih rezervnih dijelova kao i/ili zamjensko vozilo pod uslovima utvrđenim ugovorom. **Izjava mora biti ovjerena i potpisana od strane ovlaštenog lica ponuđača.**

Komisija I je konstatovala da ponuđač u ponudi nije dostavio traženu izjavu.

Tačka 7.3.2. pod f) Izjava na obrascu ponuđača da mora biti proizvođač ili generalni zastupnik ili ovlašteni distributer ponuđenog vozila. Uz izjavu ponuđač treba da dostavi original ili ovjerenu kopiju ovlaštenja ili autorizaciju izdatu od strane proizvođača ili generalnog zastupnika za ponuđeno vozilo koje je važeće u momentu dostavljanja ponude, odnosno ne može se kao dokaz dostaviti dokument kojeg je ponuđač izdao sam sebi. **Izjava mora biti ovjerena i potpisana od strane ovlaštenog lica ponuđača.**

Komisija I je konstatovala da ponuđač u ponudi nije dostavio traženu izjavu.

Dalje je Komisija I ustanovila da u **Obrascu za cijenu ponude – robe, Aneks 2.** u dijelu tabele na strani br. 8 nije popunjena rubrika Registracija vozila, odnosno u istu nije unesen podatak o cijeni registracije vozila koje je predmet nabavke.

Komisija I je ustanovila i da dostavljena ponuda nije pripremljena u skladu sa članom 8.1.4. tenderske dokumentacije, obzirom da svi listovi ponude nisu bili čvrsto uvezani zbog čega su se listovi odvojili prilikom otvaranja i pregleda ponude koji je izvršen od strane Komisije.

U tački 8.1.1. tenderske dokumentacije jasno je navedeno da će ponude koje nisu u skladu sa tenderskom dokumentacijom biti odbačene kao neprihvatljive, sve u skladu sa članom 68. Zakona.

Slijedom prednje navedenog Komisija I je u Zapisniku o pregledu i ocjeni ponuda konstatovala da je primljena ponuda „Porsche Inter Auto BH“ d.o.o. Sarajevo nije prihvatljiva u smislu člana 69. stav (2) tačka d) Zakona.

Komisija I je u daljem radu donijela jednoglasnu odluku da se Opštinskom načelniku dostavi

PREPORUKA O PONIŠTENJU POSTUPKA

javne nabavke kombi vozila za potrebe Službe za spašavanje sa visina, u prirodi, na vodi i pod vodom, iz razloga što u postupku javne nabavke nije dostavljena nijedna prihvatljiva ponuda, shodno članu 69. stav (2) tačka d) Zakona o javnim nabavkama.

Općinski načelnik nije u postupku javne nabavke našao razloge ili nepravilnosti u radu Komisije I te je prihvatio preporuku Komisije I, o čemu je donio ovu Odluku, shodno članu 70. stav 1. Zakona.

Pouka o pravnom lijeku:

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.

Žalba se izjavljuje ugovornom organu u dovoljnom broju primjeraka a najmanje tri, u skladu s članom 99. Zakona.

Žalitelj je dužan uplatiti naknadu za pokretanje žalbenog postupka u iznosu od 800,00 KM, u skladu sa članom 108. stav 1. tačka b) Zakona o javnim nabavkama (Službeni glasnik BiH broj 39/14).

Prilog: Zapisnik o pregledu i ocjeni ponuda
broj: 10/E-11-3785/22 od 29.06.2022. godine



DOSTAVITI:

1. Ponuđaču: „Porsche Inter Auto BH“ d.o.o. Sarajevo, ul. Bulevar Meše Selimovića broj 16, 71 000 Sarajevo
2. Službi za civilnu zaštitu
3. Službi za finansije
4. Kabinetu općinskog načelnika – Odsjek za javne nabavke
5. Arhiva